

21 feb 2002

ASLI-PERSIDANGAN/I

PM AKAN BERUCAP MENGENAI MASA DEPAN ASIA DI SIDANG KEMUNCAK EKONOMI ASIA

KUALA LUMPUR, 21 Feb (Bernama) -- Institut Strategi dan Kepimpinan Asia (ASLI) dengan sokongan Dewan Perdagangan dan Industri Asean (ASEAN-CCI), Majlis Perniagaan AS-ASEAN dan Jawatankuasa Kebangsaan China untuk Kerjasama Ekonomi Pasifik akan menganjurkan Sidang Kemuncak Ekonomi Asia pada 7-8 Mac di sini.

Dalam kenyataan di sini hari ini, ASLI berkata Perdana Menteri Datuk Seri Dr Mahathir Mohamad dijangka menyampaikan ucapan pada majlis pembukaan persidangan itu. Beliau akan berucap mengenai "Masa Depan Asia di Abad ke-21".

Antara topik-topik utama yang akan dibincangkan ialah Tinjauan Ekonomi dan Pelaburan Asia, Kumpulan Ekonomi Asia Timur, Asia dan Globalisasi, Penjana semula Pelaburan Asing Langsung ke Asia, Merangsangkan Pemulihan Ekonomi di Asia, cadangan Kawasan Perdagangan Bebas China-Asean dan Masa Depan Tenaga dan Teknologi Asia.

ASLI berkata satu forum khas bertajuk "Mengharungi Kegawatan, Penempatan bagi Pemulihan dan Pertumbuhan" di samping satu perbincangan panel mengenai "Meningkatkan Perniagaan Serantau dan Kerjasama Ekonomi" akan diadakan.

Bakal Ketua Pengarah Pertubuhan Perdagangan Dunia (WTO), Dr. Supachai Panichpakdi akan menyampaikan ucapan khas mengenai WTO.

Antara speaker yang akan berucap ialah menteri kanan Perdagangan dan Industri Singapura, Tharman Shanmugaratnam, bekas Presiden Filipina, Jeneral Fidel Ramos, naib pengerusi Salomon Smith Barney, dan bekas setiausaha rendah Perbendaharaan untuk Hubungan Hal-ehwal Antarabangsa AS, Jeffrey Shafer.

Speaker-speaker dari Malaysia pula termasuklah Menteri Perdagangan Antarabangsa dan Industri, Datuk Seri Rafidah Aziz, Menteri Tenaga, Komunikasi dan Multimedia, Datuk Amar Leo Moggie, pengerusi Institut Strategik dan Kajian Antarabangsa (ISIS), Tan Sri Dr Noordin Sopiee, dan pengerusi MIDA Tan Sri Zainal Abidin Sulong.

Kira-kira 30 peserta dari Malaysia, China, Australia, Filipina, Singapura, Jepun, Korea dan AS akan menghadiri persidangan itu.

Persidangan itu akan membolehkan ketua-ketua pegawai eksekutif Asia, pegawai kanan kerajaan dan para pemikir perbincangan mengenai pembangunan dan perubahan persekitaran. -- BERNAMA

NN KTC AA